

օրհնությունը: Այնուհետև Դերենիկ եպիսկոպոսը վերադարձավ ավանդատուն, որտեղ նրան էին սպասում երգչախմբի անդամները: Սրբազանը «Պահպանիչ»-ով իր օրհնությունը տվեց նորակազմ խմբին և իր շնորհակալությունն ու գոհունակությունը հայտնեց հաջող երգեցողության համար:

Սուրբ պատարագից հետո Տ. Դերենիկ եպիսկոպոսը, Տ. Կոմիտաս և Տ. Նղիշե վարդապետների ընկերակցությամբ, այցելեց Լենինականի տեսարժան վայրերը: Նրանք եղանակ և Արագածի լանջերում:

Կիրակի, երեկոյան ժամերգությունից հետո, սրբազանը դարձյալ քարոզեց հետևյալ բնաբանի շուրջ. «Փա՛ռք՝ Քեզ, Աստուած, Փա՛ռք՝ Քեզ, յաղագս ամենայնի, Տէ՛ր, Փա՛ռք

Քեզ»: Ոսկեբերան եռամեծ վարդապետի աղոթքն է այս, ասաց քարոզիչ սրբազանը, ապա իր խոսքի մեջ ծանրացավ այն գաղափարի վրա, թե անհատապես կամ ազգովին փառք և գոհություն պետք է տանք Աստուծո՛ւ մեր կյանքի բոլոր հանգրվաններին, ուրախության թե կսկիծի մեջ, երջանկության թե տառապանքի, հարստության թե աղքատության մեջ: Գոհանալ պարտինք հանապազ Աստուծուց և փառք տալ Նրան: Այսպիսով է, որ կարող ենք գտնել հոգեկան երջանկություն:

Երկուշաբթի օրը գերաշնորհ Տ. Դերենիկ եպիսկոպոսը հրաժեշտ տվեց Շիրակի թեմին և մեկնեց լավագույն տպավորություններով:

ԼԵՆԻՆԱԿԱՆԻ ԹՂԹԱԿԻՑ

ԳԵՐԱՇՆՈՐՀ Տ. ԴԵՐԵՆԻԿ ԵՊԻՍԿՈՊՈՍ ՓՈԼԱՏՅԱՆԸ ԲԱԲՎՈՒՄ

Փետրվարի 22-ին գերաշնորհ Տ. Դերենիկ եպիսկոպոս Փոլատյանը, որը հյուրաբար գտնվում էր Մայր Աթոռում, Ս. Մենդյան տոների կապակցությամբ, հրաժեշտ առավ Վեհափառ Հայրապետից և Մայր Աթոռի միաբանությունից:

Դերենիկ սրբազանը, իր վերադարձի ճանապարհի վրա, այցելեց նաև Աղբյուրների մայրաքաղաք զեղեցիկ Բաքուն, ընկերակցությամբ Մայր Աթոռի փոխ-լուսարարապետ հոգեշնորհ Տ. Նղիշե վարդապետ Սարգսյանի:

Աղբյուրների և Թուրքեստանի միացյալ թեմը մեր հայաշատ թեմերից է, որտեղ գովելի աշխատանք է կատարում առաջնորդական փոխանորդ հոգեշնորհ Տ. Տիրայր վարդապետ Մարտիկյանը, գործակից ունենալով կյանքի և աշխատանքի փորձով հարուստ արժանապատիվ քահանա հայրերին և թեմական խորհրդի հավատավոր ու նվիրված անդամներին: Մեր գնացքը, կտրելով հայրենի ձյունածածկ և ընդարձակ դաշտերը, Արարատի փեշերով ու Մայր Արաքսի ափերով փետրվարի 23-ին, շաբաթ օրը հասավ Բաքու: Դերաշնորհ սրբազանին դիմավորելու համար կայարան էին եկել, առաջնորդական փոխանորդ Տ. Տիրայր վարդապետի գլխավորությամբ մայրաքաղաքի քահանայից դասը, թեմական խորհրդի անդամները, եկեղեցու քառաձայն երգչախմբի անդամները և բազմաթիվ հավատացյալներ: Սրբազանը առաջնորդվեց Բաքվի հայոց Ս. Գրիգոր Լուսավորիչ եկեղեցին, ուր հավաքված էր հավատացյալների մի մեծ բազմություն, և ուր սրբազանը մուտք գործեց «Հրաշափառ»-ով Ապամ սրբազանին բարի գալուստի խոսք ասաց հոգեշնորհ Տ. Տիրայր վարդապետը:

Ի պատասխան հոգեշնորհ Տ. Տիրայր վարդապետի բարի գալուստի խոսքերին, գերաշնորհ

շնորհ Տ. Դերենիկ եպիսկոպոսը շնորհակալություն հայտնեց ջերմ ընդունելության համար, ապա քարոզեց «Ուրախ եղէ ես ոյ՛ք ասէ՛լն ցիս, Ի տուն Տեառն երթիցու՛մ մեք» Սաղմոսից վերցրած բնաբանով: «Սրտեռանդն ուրախ եմ Նորին Ս. Օծություն Վազգեն Կաթողիկոսի կարգադրությամբ ըլլալու Բաքվի հայ ժողովրդին և հայ եկեղեցիության մեջ— ասաց քարոզիչ սրբազանը:— Ուրախ եմ մանավանդ, որ հոս ունիք ժրջան երիտասարդ առաջնորդական փոխանորդ, քահանա հայրեր և եկեղեցական խորհուրդ, որոնք փոխադարձ հասկացողությամբ և սիրով նվիրված են սույն եկեղեցիով և հոտի պաշտոնության: Մեր «Տոմ Տեառն»-ը Հայոց Մայրենի Ս. Եկեղեցին է: Բոլոր հալերը, ամենուրեք և միշտ, ուրախ ըլլալու են մտնելով անոր սեմին ներս: Այդ ուրախությունը կհանդիսանա ճշմարիտ ուրախություն այն ժամանակ, երբ հավատարմի գտնվինք մեր Ս. Եկեղեցիով ծեսին և ավանդությանց, հավատքին և դավանության: Սրբազանի այս շինիչ քարոզից հետո պաշտվեց երեկոյան ժամերգությունը:

Փետրվարի 24-ին, կիրակի, Բաքվի հայոց Ս. Գրիգոր Լուսավորիչ եկեղեցում հանդիսավոր սուրբ պատարագ մատուցեց Դերենիկ սրբազանը: Եկեղեցին լիքն էր հավատացյալ ժողովրդի բազմությամբ: «Հայր մեր»-ից առաջ քարոզեց պատարագիչ սրբազանը «Եթէ ոք ծառաի իցէ. եկեղեցէ առ իս և արքէ» բնաբանով: Սրբազանը բացատրեց, թե Քրիստոս աղբյուրն է կյանքի և կենդանի ջուրը բոլոր ծառայի հոգեկանի: «Եթե նյութիչ են ջուրը կհանգչեցնե ծառայի մարմինները, հապա որքա՛ն անասնիորեն առավել ևս Քրիստոս, որ իսկ և իսկ ակնադբյուրն է կյանքի»: Սրբազանը շնչոտեց այն հանգամանքը,

որ Հայաստանյայց Ս. Եկեղեցին եղել է և կմնա միշտ հայ ժողովրդի իմացական և հոգևոր կյանքի ծարավը հագեցնող իսկական աղբյուրը, որ հայ ժողովրդի զավակներն ըմպելու են Հայաստանյայց Եկեղեցու ակնադրյութից, կարենալ պահելու և պահպանելու համար մեր ազգային և եկեղեցական ինքնությունությունն ու պապենական դարավոր հավատը:

Փետրվարի 25-ին, երկուշաբթի երեկոյան, Ս. Ղևոնդյանց քահանայից նախատեսակն էր Արարողություններին նախագահում էր գերաշնորհ Տ. Դերենիկ եպիսկոպոսը: Նախատեսակից հետո Դերենիկ սրբազանը քարոզեց «Շնորհք մեզ, Տէր ըստ օրինակի նոցա կեալ» բնաբանով: Սրբազանը բացատրեց, թե ինչպես սրբերը իրենց կյանքի ընթացքում ջերմեռանդությամբ և նվիրումով ծառայել են Քրիստոսին և Նրա Եկեղեցուն, նրանցից ոմանք՝ գրով, ոմանք՝ գիտությամբ, ոմանք՝ սրբակրոն կյանքով և ոմանք էլ իրենց մարտիրոսությամբ: Նշեց, թե Հայ Եկեղեցին էլ ունի սրբերի մի մեծ փաղանգ, որոնցից Ս. Ղևոնդյանց և Ս. Վարդանանց հիշատակը տոնվում է այս շաբաթ: Մեր սրբերի նահատակությամբ, զործունեությամբ կենդանի ու պայծառ է մնացել Հայաստանյայց Առաքելական Ս. Եկեղեցին: Վերջում սրբազանը կոչ արեց, որ Հայ Եկեղեցվո զավակները, աստ և ամենուրեք, ապրեն ու գործեն մեր մեծ սրբերի օրինակով: Քարոզից

հետո սրբազանը շնորհակալություն հայտնեց այնքան ջերմ ընդունելության և հյուրասիրության համար, որը ցույց էր տվել Բաքվի հայ համայնքը:

Գերաշնորհ Տ. Դերենիկ եպիսկոպոսը այցելեց Բաքվի մահմեդականների կրոնապետ Շեյխ-ուլ-Իսլամին և Բաքվի Ռուսական Եկեղեցու ավագերեցին:

Նույն օրը երեկոյան, ի պատիվ գերաշնորհ Տ. Դերենիկ սրբազանի, Ադրբեջանի հայոց թեմական խորհուրդը տվեց ողջերթի ճաշկերույթ: Սեղանի վրա սրբազանը խրախուսեց, ոգևորեց թեմական խորհրդի պատվարժան անդամներին, իր գոհմանակցությունը հայտնեց թեմի ազգային-եկեղեցական կյանքի կազմակերպչականության համար, հորդորեց բոլորվել առաջնորդական փոխանորդ հայր սուրբի շուրջը և աշխատել ի պայծառություն Ս. Եկեղեցու, ի շինություն հայ ժողովրդի հոգևոր կյանքի:

Փետրվարի 26-ին, երեքշաբթի, առավոտյան ժամը 8.10-ին Բաքու—Մոսկվա օդային ճանապարհով սրբազանը մեկնեց Մոսկվա, տանելով իր հետ լավագույն տպավորություններ Բաքվի հայրենասեր և եկեղեցասեր հայ համայնքից, միևնույն ժամանակ թողնելով անփոփոխ հիշատակ Բաքվի հայ հավատացյալների հոգիներում:

Բարի ճանապարհ սիրելի սրբազանին:

ԵԴԻՇԵ ՎՐԴ. ՍԱՐԳՍՅԱՆ

